



TOSHKENT DAVLAT YURIDIK UNIVERSITETI REKTORINING B U Y R U G ' I

20.04.2024

250-tm-son

Talabalarni rag'batlantirish to'g'risida

O'zbekiston Respublikasi Prezidenti Shavkat Mirziyoyev rahbarligida 2023-yil 11-aprel kuni "Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari" yuzasidan o'tkazilgan videoselektor yig'ilishida berilgan 18-son topshiriqlar bayoni, Vazirlar Mahkamasining 2020-yil 31-yanvardagi "Oliy ta'lim muassasalari talabalariga to'lanadigan stipendiyalar miqdorlarini belgilash hamda stipendiyalar tayinlash va to'lash tartibini takomillashtirish chora-tadbirlari to'g'risida"gi 59-son qarorida belgilangan vazifalar ijrosini ta'minlash, iqtidorli talabalar safini kengaytirish, ularga keng imkoniyat yaratish, munosib qo'llab-quvvatlash hamda universitet Stipendiya komissiyasining 2024-yil 8-apreldagi talabalarni moddiy rag'batlantirish masalasi bo'yicha o'tkazilgan yig'ilishining 19-son bayonnomasiga muvofiq,

BUYURAMAN:

1. Toshkent davlat yuridik universiteti (bundan buyon matnda – Universitet) Stipendiya komissiyasining 2024-yil 8-apreldagi talabalarni moddiy rag'batlantirish masalasi bo'yicha o'tkazilgan 19-son yig'ilish bayoni ma'lumot va ijro uchun qabul qilinsin.

2. Quyidagilar:

O'zbekiston Respublikasi adliya vazirining 2023-yil 14-dekabrdagi "Raqamlashtirish davrida huquq sohasidagi zamonaviy chaqiriqlar" mavzusida adliya vazirining yosh huquqshunoslar bilan Ochiq muloqatini tashkil etish chora-tadbirlari to'g'risida"gi 338-um son buyrug'iga muvofiq 2023-yil 20-dekabr kuni Toshkent davlat yuridik universitetida Yosh huquqshunoslar forumi yuqori saviyada tashkil etilganligi hamda unda huquqshunoslik yo'nalishidagi ta'lim muassalarining 500 ga yaqin talaba va o'quvchilari qamrab olinganligi:

8-mart Xalqaro xotin-qizlar kuni bayrami munosabati bilan universitet talaba-qilzari o'rtasida 2024-yil 4-mart kuni "“Miss **yurist-2024**” tanlovi o'tkazilganligi, tanlovda 8 nafar ishtirokchi qizlar ishtirok etganligi va 4 ta shart

bo'yicha o'zaro bellashganligi, ishtirokchi qizlarning 3 nafari darajali o'rinlar hamda qolgan 5 nafari nominatsiyalar bilan taqdirlanganligi;

Toshkent davlat yuridik universitetining **"TSUL Jessup" jamoasi** 2024-yilning aprel oyining birinchi o'n kunligi davomida dunyoning 100 dan ortiq mamlakatlardan 200 ga yaqin jamoalar ishtirok etadigan Philip C. Jessup International Law Moot Court Competition — 2024" tanlovining Vashington shahrida (AQSH) o'tkazilgan xalqaro raundlarida ishtirok etayotganligi, xalqaro tanlovning birinchi raundlarida Sarvarxon Nosirxonov, Javohir Miraliyev, Muhammadali Rahmonov va Kumushxon Abdumutalimovadan iborat **"TSUL Jessup"** jamoasi AQSh, Germaniya, Indoneziya va Turkiya universitetlari jamoalari bilan munosib bellashishganligi, **"TSUL Jessup"** har bir raqib ustidan g'alaba qozonib, 150 ta ishtirokchi jamoalar orasida eng yuqori ball to'plaganligi va TOP-16 jamoa orasidan munosib joy olganligi inobatga olinsin.

3. Universitet Stipendiya komissiyasining 2024-yil 8-apreldagi talabalarni moddiy rag'batlantirish masalasi bo'yicha o'tkazilgan 19-son yig'ilish bayoniga muvofiq loyiha va tanlovlarda g'oliblikni qo'lga kiritgan hamda universitet faoliyat samaradorligiga o'zining munosib hissasini qo'shib kelayotgan talabalarni moddiy rag'batlantirish bo'yicha taqdim etilgan taklifiga rozilik berilsin.

4. Universitet, respublika va xalqaro miqyosda o'tkazilgan loyiha va tanlovlarda munosib ishtirok etib g'oliblikni qo'lga kiritgan hamda alohida iqtidori bilan ta'lim va tarbiya jarayonlarini tashkil etishda faollik ko'rsatib kelayotgan talabalar ilovadagi jadvalga muvofiq moddiy rag'batlantirilsin.

5. Buxgalteriya (M.Parpiyev) mazkur buyruq ilovasi bilan tasdiqlangan talabalarni moddiy rag'batlantirish bilan bog'liq to'lovlarni Talabalarni rag'batlantirish jamg'armasi mablag'lari hisobidan to'lab berilishini ta'minlasin.

6. Ma'naviyat va ma'rifat markazi (Sh.Po'lotov) hamda fakultet dekanlari: rag'batlantirilgan talabalar to'g'risidagi ma'lumotlarni talabalar orasida hamda ijtimoiy tarmoqlar orqali keng targ'ib qilish choralarini ko'rsin;

talabalarni rag'batlantirish bilan bog'liq bo'lgan buxgalteriya hujjatlarini talabalar tomonidan o'z vaqtida buxgalteriyaga taqdim etilishini ta'minlasin hamda saqlanishini nazorat qilsin.

7. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

Rektor v.v.b.



I.RUSTAMBEKOV

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



Katta yuriskonsult

A.TURSUNOV

